

სახელმწიფო შესყიდვების შესახებ ხელშეკრულება N 95 /22

ქ. თბილისი

1 აპრილი 2022 წელი

ერთის მხრივ, სსიპ საქართველოს ენერგეტიკისა და წყალმომარაგების მარეგულირებელი ეროვნული კომისია (შემდგომში „შემსყიდველი“), წარმოდგენილი მისი აღმასრულებელი დირექტორის მოადგილის ზაალ ჩომახიძის სახით და, მეორეს მხრივ, შპს „ქუდოს ჯორჯია“ (შემდგომში „მიმწოდებელი“), წარმოდგენილი მისი დირექტორის დირექტორის ანა ოსიყმიშვილის სახითაა, „სახელმწიფო შესყიდვების შესახებ“ საქართველოს კანონის და „მიმწოდებლის“ სატენდერო წინადადების საფუძველზე, ელექტრონული ტენდერის ჩატარების შედეგად, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც უწევს მომსახურებას ხელშეკრულების ფარგლებში.
- 1.5. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

მუხლი 2. ხელშეკრულების საგანი

- 2.1. წინამდებარე ხელშეკრულების საგანს წარმოადგენს საქართველოს ენერგეტიკისა და წყალმომარაგების მარეგულირებელი ეროვნული კომისიის გაუქმის აუდიტორული მომსახურება შემდეგი მოთხოვნების გათვალისწინებით:
 - ა. კომისიის 2021 წლის ფინანსური ანგარიშგების აუდიტი და ფინანსური ანგარიშგების საერთაშორისო სტანდარტებთან შესაბამისობის დადგენა;
 - ბ. კომისიის 2021 წლის შემოსავლებისა და ხარჯების საგადასახადო კანონმდებლობასთან შესაბამისობის დადგენა;
 - გ. 2021 წლის ელექტრონული ტენდერის და გამარტივებული შესყიდვის გზით განხორციელებული შესყიდვების აუდიტი და სახელმწიფო შესყიდვების მარეგულირებელ კანონმდებლობასთან შესაბამისობის დადგენა;
 - დ. აუდიტის შედეგებით გამოვლენილი ცალკეულ ხარვეზებთან დაკავშირებული კონსულტაციების გაწევა

მუხლი 3. ხელშეკრულების შესრულების კონტროლი

- 3.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 3.2. ხელშეკრულების 3.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს საქართველოს ენერგეტიკისა და წყალმომარაგების მარეგულირებელი ეროვნული კომისიის საფინანსო-საბიუჯეტო დეპარტამენტის დირექტორი რამაზ ნანიკაშვილი.

3.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

3.4 მიმწოდებლის მიერ გაწეული მომსახურება უნდა შეესაბამებოდეს ანალოგიურ სფეროში დადგენილ სტანდარტებსა და ხარისხს.

მუხლი 4. მომსახურების გაწევის ვადა და მიღება-ჩაბარების წესი

4.1. მიმწოდებელმა არაუგვიანეს 2022 წლის 16 მაისისა უნდა უზრუნველყოს შემსყიდველისათვის აუდიტორული მომსახურების გაწევა (**NAT220005101**) სატენდერო დოკუმენტაციით განსაზღვრული ტექნიკური დავალებისა და წინამდებარე ხელშეკრულების მე-2 მუხლის 2.1 პუნქტით განსაზღვრული პირობების შესაბამისად (CPV 79200000).

4.2. მომსახურების გაწევა ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

მუხლი 5. ხელშეკრულების ღირებულება და ანგარიშსწორების წესი

5.1 წინამდებარე ხელშეკრულებით გათვალისწინებული მომსახურების ჯამური ღირებულება შეადგენს **20744,40 (ოცი ათას შვიდას ორმოცდაოთხი) ლარს და 40 (ორმოცი) თეთრი**, რომელიც მოიცავს მომსახურების სრულყოფილად მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს („ხელშეკრულების ღირებულება“).

5.2. ხელშეკრულების ღირებულების (ან მისი ნაწილის) გადახდა ხორციელდება უნაღდო ანგარიშსწორების წესით, ეროვნულ ვალუტაში.

5.3. ანგარიშსწორება განხორციელდება, მხარეთა შორის მიღება ჩაბარების აქტის და შესაბამისი საგადახდო დოკუმენტების (ანგარიშ-ფაქტურა, სასაქონლო ზედნადები) შემსყიდველისათვის მიწოდების თარიღიდან (იმისდამიხედვით, რომელი უფრო გვიან მოხდება) 10 (ათი) სამუშაო დღის ვადაში.

მუხლი 6. მხარეთა უფლება-მოვალეობები.

6.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას გაწეული მომსახურება;

6.2. შემსყიდველი ვალდებულია გადაუხადოს მიმწოდებელს მომსახურების ღირებულება ხელშეკრულებით გათვალისწინებული პირობების შესაბამისად;

6.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას გაუწიოს შემსყიდველს ხელშეკრულებით გათვალისწინებული მომსახურება;

6.4. მიმწოდებელს უფლება აქვს გაწეული მომსახურების სანაცვლოდ მიიღოს ხელშეკრულებით გათვალისწინებული ფასი.

მუხლი 7. მხარეთა პასუხისმგებლობა ხელშეკრულების პირობების შეუსრულებლობისათვის

7.1 ხელშეკრულებით ნაკისრი ვადლდებულებების შესრულების ვადების გადაცდენის შემთხვევაში, ყოველი დაგვიანებული დღისთვის, მიმწოდებელს ეკისრება პირგასამტეხლო ხელშეკრულების ღირებულების 0,02 %-ოდენობით.

7.2 იმ შემთხვევაში თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს შეწყვიტოს ხელშეკრულება.

7.3. მიმწოდებლის მიერ ხელშეკრულების ცალმხრივად შეწყვეტის შემთხვევაში, რაც არ არის გამოწვეული მეორე მხარის მიერ ხელშეკრულებით ნაკისრი ვალდებულებების დარღვევით, მიმწოდებელს ეკისრება პირგასამტეხლო ხელშეკრულების ღირებულების 3%-ის ოდენობით.

მუხლი 8. ხელშეკრულებაში ცვლილების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რის თაობაზეც, მეორე მხარეს უნდა აცნობოს ხელშეკრულების შეწყვეტამდე არაუგვიანეს 5 (ხუთი) კალენდარული დღით ადრე.

8.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

8.5. ხელშეკრულების შეწყვეტა არ ათავისუფლებს მხარეებს ვადადამდგარი ვალდებულებების შესრულებისაგან.

8.6. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

8.7 ხელშეკრულების შეწყვეტის შემთხვევაში გამოუმუშავებელი პრემია (გაუწვევლი მომსახურების ღირებულება) ექვემდებარება შემსყიდველისათვის დაბრუნებას დანართი N 2-ის შესაბამისად.

მუხლი 9. ფორს-მაჟორი

9.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

9.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 10. დავები და მათი გადაწყვეტის წესი

10.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

მუხლი 11. ხელშეკრულების მოქმედების ვადა

11.1 ხელშეკრულება ძალაში შედის ორივე მხარის მიერ ხელმოწერის დღიდან და მოქმედებს 2022 წლის 16 ივნისის ჩათვლით.

მუხლი 12. ზოგადი დებულებები

12.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

12.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

13. მხარეთა რეკვიზიტები:

„შემსყიდველი“
სსიპ საქართველოს ენერგეტიკისა და
წყალმომარაგების მარეგულირებელი
ეროვნული კომისია
მისამართი: ქ. თბილისი, ა. მიცკევიჩის ქ. №19
საიდენტიფიკაციო კოდი: 204400200
ს.ს. „თიბისი ბანკის“
ბანკის კოდი: **TBCBGE22**
ა/ა GE60TB7727133030100001

აღმასრულებელი დირექტორის მოადგილე

ზაალ ჩომახიძე

„მიმწოდებელი“
შპს „ქუდოს ჯორჯია“
მისამართი: ქ. თბილისი, ილია
ჭავჭავაძის №608
საიდენტიფიკაციო კოდი: 406240884
ს.ს. „თიბისი ბანკის“
ბანკის კოდი: **TBCBGE22**
ა/ა GE14TB7648536080100009

დირექტორი

ანა ოსიყმიშვილი

ინტერესთა კონფლიქტი

“შემსყიდველის” მხრიდან ხელშეკრულებაზე ხელმოწერი პირი არ იმყოფება
„მიმწოდებელთან“ ინტერესთა კონფლიქტში